

БОСНА И ХЕРЦЕГОВИНА
ПАРЛАМЕНТАРНА СКУПШТИНА
БОСНЕ И ХЕРЦЕГОВИНЕ
ПРЕДСТАВНИЧКИ ДОМ

Ad hoc komisija za pripremu
izmjena i dopuna,
kao i Prečišćenog teksta Poslovnika



BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
PREDSTAVNIČKI DOM/ZASTUPNIČKI DOM

Ad hoc komisija za pripremu
izmjena i dopuna,
kao i Prečišćenog teksta Poslovnika
Ad hoc povjerenstvo za pripremu
izmjena i dopuna,
kao i Prečišćenog teksta Poslovnika

Број/Број: 01-50-1-598-13/10
Сарајево/Sarajevo, 24.8.2010.

PREDSTAVNIČKOM DOMU
PARLAMENTARNE SKUPŠTINE
BOSNE I HERCEGOVINE

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

PRIMLJENO: 25-08-2010			
Organizaciona jedinica	Klasifikaciona oznaka	Redni broj	Broj priloga

B

Predmet: Izvještaj o radu Ad hoc komisije za pripremu izmjena i dopuna te prečišćenog teksta Poslovnika Predstavničkog doma Parlamentarne skupštine BiH

I. OPĆI DIO

Predstavnički dom Parlamentarne skupštine BiH, na 19. sjednici, održanoj 28. 12. 2007., usvojio je Zaključak o osnivanju Ad hoc komisije za pripremu izmjena i dopuna te prečišćenog teksta Poslovnika Predstavničkog doma (u daljnjem tekstu: Komisija). U Komisiju su imenovani: Halid Genjac, Remzija Kadrić, Drago Kalabić, Velimir Jukić, Vinko Zorić, Jozo Križanović, Momčilo Novaković i Sefer Halilović.

Zaključkom o osnivanju Komisija je dobila zadatak da do 1. 3. 2008. pripremi cjelovite izmjene i dopune, kao i prečišćeni tekst Poslovnika Predstavničkog doma.

Na početku je Komisija utvrdila cilj da tokom rada na Poslovniku, osim dostavljenih amandmana, razmatra svaki član pojedinačno, te utvrdi izmjene i dopune odredbi koje bi rad Doma učinile efikasnijim, kao i one koje nisu dovoljno jasne, uz određene tehničke ispravke. S ciljem pripreme što kvalitetnijih izmjena i dopuna Poslovnika, Komisija je u više navrata pozivala poslanike i druge komisije da se aktivno uključe u pripremu izmjena i dopuna Poslovnika te da podnesu amandmane na odredbe za koje smatraju da nisu adekvatne ili da bi ih trebalo bolje formulirati.

Komisija je usvojila Poslovnik o radu, kojim je regulirala način svog rada i odlučivanja. Dogovoren je princip da se u konačni prijedlog izmjena i dopuna unesu samo one izmjene i dopune koje Komisija usvoji konsenzusom, a amandmane koje usvoji Komisija predlagač može podnijeti u parlamentarnoj proceduri. Također, u toku

parlamentarne procedure svaki poslanik ima pravo ulagati amandmane na sve odredbe Poslovnika.

Sjednicama Komisije uglavnom su prisustvovali svi članovi, osim Sefera Halilovića, koji nije bio ni na jednoj sjednici niti je obavještavao Komisiju o razlozima svog nedolaska.

II. SJEDNICE KOMISIJE

U izvještajnom periodu Ad hoc komisija održala je 13 sjednica, uključujući i dvodnevni rad (9. sjednica) na Jahorini.

1. sjednica Komisije održana je 25. 1. 2008., na kojoj je Komisija konstituirana i dogovoren metod rada.

Za predsjedavajućeg Komisije izabran je Momčilo Novaković, za prvog zamjenika Halid Genjac, a za drugog zamjenika Velimir Jukić.

Određujući metode rada, Komisija je nakon rasprave usvojila sljedeće zaključke:

1. da se do 10. 2. 2008. godine pripremi Poslovnik o radu Ad hoc komisije, koji će biti usvojen na narednoj sjednici;
2. da se uputi poziv poslanicima da do 20. 2. 2008. dostave svoje prijedloge za izmjene i dopune Poslovnika;
3. da se od Kolegija Doma zatraži produženje roka za pripremu izmjena i dopuna Poslovnika do 31. 5. 2008., uz obrazloženje da je Zaključkom o formiranju određeno da Ad hoc komisija pripremi cjelovite izmjene i dopune Poslovnika, da će većina poslanika dostaviti veći broj prijedloga i inicijativa, kao i da su poslanici pozvani da do 20. 2. dostave svoje prijedloge;
4. da se predloži Kolegiju Doma da obavijesti Kolegij Doma naroda da je u Predstavničkom domu formirana Ad hoc komisija za pripremu izmjena i dopuna Poslovnika Predstavničkog doma, kao i prečišćenog teksta Poslovnika, radi procjene da li i oni treba da urade isto.

2. sjednica Komisije održana je 7. 2. 2008., na kojoj su analizirani zaključci usvojeni na prvoj sjednici, te usvojen Poslovnik o radu Komisije. Na ovoj sjednici za sekretara Komisije imenovana je Branka Todorović.

3. sjednica Komisije održana je 12. 3. 2008. Na ovoj sjednici analizirani su prispjeli prijedlozi amandmana i dogovoren daljnji rad Komisije.

Na sjednici je konstatirano da poslanici nisu dostavili nijedan prijedlog amandmana u ostavljenom roku, te da je dostavljen prijedlog izmjena i dopuna Poslovnika koje je pripremila Branka Todorović, kao sekretar Doma i sekretar Komisije.

Nakon rasprave Ad hoc komisija zaključila je da:

1. uputi poziv svim komisijama da dostave svoje viđenje nadležnosti komisija i odredbi koje se odnose na njihove komisije, kao i drugih odredbi Poslovnika. Rok za dostavljanje primjedbi je kraj marta 2008. godine;
2. Kolegij Doma obavijesti o tome da:
 - a) nijedan poslanik nije dostavio prijedlog izmjena i dopuna Poslovnika,
 - b) su pozvane komisije Doma, kao i zajedničke komisije, da do kraja marta 2008. godine dostave svoje viđenje odredbi koje se odnose na njihove komisije, kao i drugih odredbi Poslovnika,
 - c) i Kolegiju Doma dostavi svoje eventualne prijedloge i sugestije u vezi sa izmjenama i dopunama Poslovnika.

U raspravi o metodi i načinu daljnjeg rada na sjednici Komisije postavljeno je i pitanje rada na izmjenama Poslovnika Doma naroda, s obzirom da su određene odredbe poslovnika vezane i da se ne može Poslovnik Doma završiti dok se ne usaglase odgovarajuće odredbe s Poslovnikom Doma naroda. U tom smislu zaključeno je da se:

1. Domu naroda u pisanoj formi uputi upit u vezi s formiranjem komisije za izmjene i dopune Poslovnika Doma naroda, pozivajući se na prvi dopis kojim su obaviješteni o radu ove komisije;
2. sjednica Komisije održi u prvoj sedmici aprila 2008. godine, na kojoj će biti analiziran svaki član Poslovnika pojedinačno. Na sjednici će biti analizirani i već dostavljeni prijedlozi i svaki član Komisije moći će odmah iznositi svoje prijedloge o kojima će se raspravljati i odlučivati.

4. sjednica Komisije održana je 8. 4. 2008. Komisija je počela razmatrati prispjele prijedloge za izmjene i dopune Poslovnika, kao i svaku odredbu pojedinačno.

Na kraju ove sjednice predsjedavajući Momčilo Novaković rekao je da sada nema potrebe za traženjem produženja roka, nego da treba obavijestiti Dom naroda da je Komisija počela raditi, ali da je limitirana neaktivnošću Doma naroda, te da nije u mogućnosti da završi posao na Poslovniku bez usklađivanja s Poslovnikom Doma naroda.

Zaključeno je da se Kolegiju Predstavničkog doma uputi zahtjev da predloži održavanje sjednice Zajedničkog kolegija oba doma kako bi se iniciralo formiranje komisije i u Domu naroda, te izbjeglo traženje produženja roka. I sa 4. sjednice Komisije upućen je poziv svim poslanicima, stalnim komisijama Doma i zajedničkim komisijama oba doma, uz informaciju da je samo Niko Lozančić dostavio amandmane i da je Kolegij Doma podržao amandmane koje je podnijela sekretar Komisije Branka Todorović. Komisija je u ovom pozivu izrazila žaljenje što drugi poslanici, kao ni komisije, nisu dostavili prijedloge za izmjenu ili dopunu Poslovnika. Naglašeno je da je, radi pripreme što kvalitetnijih izmjena i dopuna Poslovnika, Komisija zaključila da će i dalje primati primjedbe i prijedloge poslanika i komisija. U skladu s ovim zaključkom, ponovo su pozvani poslanici i komisije da se uključe u pripremu izmjena i dopuna Poslovnika dostavljanjem amandmana, uz podsjećanje da je 31. 5. 2008. rok za dostavljanje prijedloga izmjena i dopuna Poslovnika.

5. sjednica Komisije održana je 20. 5. 2008. Na ovoj sjednici završeno je načelno razmatranje Poslovnika zaključno s 96. članom. Na kraju ove sjednice zaključeno je sljedeće:

1. do 10. 6. 2008. bit će održana naredna sjednica Komisije, na kojoj će biti razmatrani i usaglašavani amandmani koje članovi Komisije podnesu na čl. Poslovnika od 19. do 96. (o kojima je danas obavljena načelna rasprava uz

iznošenje prijedloga i sugestija) i provedena načelna rasprava o ostalim odredbama Poslovnika. Članovi Komisije pozvani su da svoje amandmane dostave najkasnije do 4. 6. 2008.,

2. Kolegiju Doma bit će upućen zahtjev za produženje roka do 31. 7. 2008. za dostavljanje prijedloga izmjena i dopuna Poslovnika i
3. Kolegiju Doma bit će upućen zahtjev za odobrenje dvodnevno rada Komisije izvan Parlamentarne skupštine BiH, u nekom određenom mjestu, kako bi rad na pripremi Prijedloga izmjena i dopuna Poslovnika bio završen.

6. sjednica Komisije održana je 9. 6. 2008. Na početku sjednice sekretar Komisije Branka Todorović informirala je Komisiju da su realizirani svi zaključci s prošle sjednice, te da je Kolegij Doma odobrio produženje roka, kao i dvodnevni rad Komisije izvan Parlamentarne skupštine BiH.

Na sjednici je nastavljeno razmatranje od 97. do posljednjeg člana Poslovnika.

Na kraju ove sjednice konstatirano je da je završena načelna rasprava o svim odredbama Poslovnika. Dogovoreno je da se naredna sjednica Komisije održi do kraja juna, a da se dvodnevni rad Komisije organizira u prvoj polovini jula 2008. godine.

7. sjednica Komisije održana je 10. 7. 2008. Na početku sjednice predsjedavajući je naglasio da su članovi Komisije dobili sve amandmane.

(Do održavanja 7. sjednice amandmane su podnijeli: Momčilo Novaković, Remzija Kadrić, Branka Todorović, Niko Lozančić, Milorad Živković, Azra Hadžiahmetović i Jozo Križanović, Zajednička komisija za nadzor nad radom OSABiH, Komisija za saobraćaj i komunikacije, Zajednička komisija za ekonomske reforme i razvoj, Komisija za finansije i budžet i Ministarstvo za ljudska prava BiH).

Komisija je na ovoj sjednici nastavila razmatrati i usaglašavati amandmane.

Na kraju 7. sjednice zaključeno je da Stručna služba pripremi tekst Poslovnika, s amandmanima koji su prihvaćeni, kao i da se unesu amandmani koji nisu prihvaćeni u Komisiji. Predviđeno je da se dvodnevni rad Komisije organizira između 10. i 15. 9., zavisno od zasjedanja Doma i drugih obaveza poslanika. Također je zaključeno da se Kolegiju sugerira da od Kolegija Doma naroda pribavi informaciju o tome u kojoj su fazi izmjene njihovog poslovnika.

Na kraju je konstatirano da je potrebno obavijestiti Kolegij Doma da će Komisija do 15. 9. 2008. završiti rad na pripremi Prijedloga izmjena i dopuna Poslovnika, ali da zbog Doma naroda neće moći usvojiti konačan tekst Poslovnika. U tom kontekstu bit će potrebno ponovno produženje roka.

Međutim, Komisija se nije mogla sastati u predviđenom periodu zbog obaveza poslanika prema radu u Domu i međunarodnim aktivnostima te zbog predizborne kampanje i održavanja lokalnih izbora.

8. sjednica Komisije sazvana je tek za 24. 10. 2008. Međutim, nije bilo kvoruma jer su sjednici prisustvovala samo četiri člana. Na ovoj sjednici zaključeno je da se:

1. deveta sjednica Komisije održi 11. 11. 2008.,

2. dvodnevni - finalni rad na pripremi Prijedloga izmjena i dopuna Poslovnika održi 24. i 25. 11. 2008. izvan Parlamentarne skupštine BiH, a Služba je zadužena da pronade najpovoljniji smještaj i rezervira ga,

3. od Kolegija Doma zatraži produženje roka za pripremu Prijedloga izmjena i dopuna Poslovnika do kraja novembra 2008. godine,

4. pozove Kolegij Doma da, u saradnji s Kolegijem Doma naroda, sazove zajedničku sjednicu ad hoc komisija oba doma za pripremu izmjena i dopuna poslovnika, radi dogovora o radu.

Ponovo zbog nedostatka kvoruma, sjednica nije održana 11.11. 2008.

9. sjednica Komisije održana je na Jahorini, 24. i 25. 11. 2008. Tokom dvodnevnog rada Komisija je završila razmatranje svih odredbi Poslovnika – osim odredbi koje se odnose na stalne komisije Doma i zajedničke komisije oba doma. Zaključeno je da se ovaj dio Poslovnika razmatra zajedno s Komisijom Doma naroda.

Na kraju dvodnevnog rada zaključeno je da se za posljednju sjednicu Komisije u ovom dijelu rada, koja će biti održana 5. 12. 2008., sačini konačni tekst Prijedloga izmjena i dopuna Poslovnika s amandmanima koji su usaglašeni u Komisiji, a da u Izvještaju budu navedeni amandmani o kojima u Komisiji nije bilo konsenzusa, s konstatacijom da podnosioci ove amandmane mogu podnijeti u parlamentarnoj proceduri.

10. sjednica Komisije održana je 5. 12. 2008., na kojoj je usvojen Izvještaj o radu Komisije, kao i Prijedlog izmjena i dopuna Poslovnika usaglašen u ovom izvještajnom periodu a koji je sastavni dio ovog izvještaja. Napominjemo da razmatranje dijela o komisijama (čl. 28. do 59.) nije završeno i da u tom dijelu Poslovnika ostaju podneseni amandmani, koji su označeni plavom bojom. Zaključeno je da se u tekstu Poslovnika zadrže i amandmani o kojima u Komisiji nije postignuta saglasnost i da se označe plavom bojom.

Na ovoj sjednici zaključeno je da se Kolegiju Doma dostavi izvještaj o dosadašnjem radu Komisije, s tekstom Poslovnika s unesenim izmjenama i dopunama i neusaglašenim amandmanima, te da se Kolegiju predloži da zajedno s Kolegijem Doma naroda sazove zajedničku sjednicu komisija oba doma radi usaglašavanja odredbi koje su zajedničke za oba poslovnika.

Kolegij Doma u proširenom sastavu na 73. sjednici, održanoj 7. 4. 2010., obavio je konsultacije u vezi sa stavljanjem u proceduru izmjena i dopuna Poslovnika Predstavničkog doma Parlamentarne skupštine BiH. Konstatirano je da je Ad hoc komisija Predstavničkog doma 5. 12. 2008. završila svoj dio posla u vezi sa izmjenom Poslovnika i Prijedlog uputila Ad hoc komisiji Doma naroda, s naznakom koje su odredbe usaglašene u Ad hoc komisiji, kao i upozorenje da odredbe koje se odnose na nadležnosti stalnih komisija Doma i stalnih zajedničkih komisija oba doma nisu završene zbog potrebe zajedničkog rada s Ad hoc

komisijom Doma naroda. S obzirom da Ad hoc komisija Doma naroda još uvijek nije dostavila informaciju o svom radu, a postojala je potreba stavljanja u proceduru izmjena i dopuna Poslovnika Predstavničkog doma, koji će osigurati efikasniji rad Doma, Kolegij Doma u proširenom sastavu usvojio je zaključak:

- Zadužuje se Ad hoc komisija za pripremu izmjena i dopuna, kao i prečišćenog teksta Poslovnika Predstavničkog doma da pripremi i u parlamentarnu proceduru uputi izmjene i dopune Poslovnika Doma koje su usaglašene, s mogućnošću da se one razmatraju na sjednici Doma 21.4.2010. ili 12.5.2010.

11. sjednica održana je 27. 4. 2010., na kojoj je konstatirano da je Predstavnički dom na 76. sjednici, održanoj 21. 4. 2010., u Ad hoc komisiju imenovao Selima Bešliagića umjesto dosadašnjeg člana Jozę Križanovića. Konstatirano je i to da je Ad hoc komisija Doma naroda završila proceduru na izmjeni i dopuni Poslovnika Doma naroda 22.4.2010., čime su se stekli uslovi za zajednički rad i usaglašavanje odredbi koje moraju biti identične u poslovnici oba doma. Na ovoj sjednici zaključeno je:

- Ad hoc komisija nastaviti će rad s Ad hoc komisijom Doma naroda s ciljem pronalaženja najboljih rješenja i usaglašavanja odredbi poslovnika oba doma koje treba da budu usvojene u identičnom tekstu;
- Nakon dobivanja materijala od Ad hoc komisije Doma naroda, bit će održana sjednica Ad hoc komisije na kojoj bi se usaglasili stavovi o predloženim odredbama;
- Zajednički sastanci obje ad hoc komisije početi će u maju 2010. godine, te je ocjena da će se u toku navedenog mjeseca pripremiti Prijedlog izmjena i dopuna Poslovnika Predstavničkog doma i uputiti u parlamentarnu proceduru;
- Potrebno je obavijestiti Kolegij Doma u proširenom sastavu da je Ad hoc komisija, nastavkom rada na izmjenama i dopunama Poslovnika Doma, ispoštovala stavove Kolegija.

Na sjednici Vinko Zorić predložio je izmjenu u članu 30. st. (5) i (6) u dijelu koji se odnosi na angažiranje stručnjaka u komisijama. Smatra da bi bilo poželjno da u parlamentarnim komisijama učestvuju lica koja imaju iskustvo u zakonodavnim organima.

12. sjednica održana je 20.5.2010. Na sjednici je dogovoren metod daljnjeg rada ove ad hoc komisije na razmatranju materijala Ad hoc komisije za pripremu izmjena i dopuna kao i prečišćenog teksta Poslovnika Doma naroda s pregledom odredbi koje je potrebno usaglasiti.

Ad hoc komisija usvojila je sljedeće zaključke:

1. Zadužuje se kolegij Ad hoc komisije za pripremu izmjena i dopuna kao i prečišćenog teksta Poslovnika Predstavničkog doma da, zajedno s kolegijem Ad hoc komisije za pripremu izmjena i dopuna kao i prečišćenog teksta Poslovnika Doma naroda, usaglasi konceptualna pitanja koja se razlikuju, a to su:
 - sistematika poslovnika je promijenjena,

- termin „komisija“ mijenja se u „odbor“ a zajednička komisija“ u „odbor Parlamentarne skupštine BiH“, osim kad se radi o privremenim radnim tijelima kao npr. ad hoc komisije, istražne komisije i sl.,
- termin „predsjedavajući komisije“ mijenja se u „predsjednik odbora“,
- termin „Zajednički kolegij oba doma“ mijenja se u „Kolegij Parlamentarne skupštine BiH“.

Zadužuje se sekretar ove ad hoc komisije da, za potrebe kolegija Ad hoc komisije, pripremi pregled navedenih konceptualnih razlika, kako bi se dogovorili o daljnjim aktivnostima.

2. Ako kolegiji obje ad hoc komisije postignu saglasnost, bit će održan sastanak obje ad hoc komisije kako bi se usaglasile preostale odredbe. Ako ne postignu saglasnost, tekst izmjena i dopuna Poslovnika Predstavničkog doma, usaglašen na sjednici Ad hoc komisije, zajedno sa Izvještajem o radu Ad hoc komisije, bit će dostavljen Kolegiju Predstavničkog doma radi dogovora o provođenju parlamentarne procedure.

Zajednički sastanak kolegija Ad hoc komisije za pripremu izmjena i dopuna, kao i prečišćenog teksta Poslovnika Predstavničkog doma i Ad hoc komisije za pripremu izmjena i dopuna, kao i prečišćenog teksta Poslovnika Doma naroda Parlamentarne skupštine BiH održan je **17. 6. 2010.** Na sastanku su članovi kolegija Ad hoc komisije Predstavničkog doma upoznati s Prijedlogom izmjena i dopuna Poslovnika Doma naroda koji je izradila Ad hoc komisija za pripremu izmjena i dopuna, kao i prečišćenog teksta Poslovnika Doma naroda Parlamentarne skupštine BiH kao i s radnim materijalom – Komparacija odredbi poslovnika oba doma koji, između ostalog, sadrži i odredbe koje je potrebno usaglasiti između dvije ad hoc komisije.

Na sastanku je posebno naglašeno da je:

- zadatak Ad hoc komisije Predstavničkog doma bio da utvrdi izmjene i dopune odredbi koje bi rad Doma učinile efikasnijim, kao i one koje nisu dovoljno jasne, uz određene tehničke ispravke;
- Ad hoc komisija Predstavničkog doma formirana u decembru 2007. godine, sa zadatkom da pripremi izmjene i dopune Poslovnika Predstavničkog doma Parlamentarne skupštine BiH, a usaglašene izmjene Ad hoc komisije Predstavničkog doma dostavljene su 5. 12. 2008. Ad hoc komisiji za pripremu izmjena i dopuna, kao i prečišćenog teksta Poslovnika Doma naroda;
- Ad hoc komisija Predstavničkog doma redovno obavještavala Kolegij Predstavničkog doma o svim aktivnostima kako bi dobila smjernice za daljnji rad;
- Ad hoc komisija Predstavničkog doma odlukom Kolegija Predstavničkog doma, od 11. 5. 2010., zadužena da pokuša usaglasiti odredbe koje su zajedničke, kao i odredbe koje se tiču procedura;
- stav Ad hoc komisije Predstavničkog doma da one odredbe koje ne budu usaglašene ostaju na snazi;
- stav Ad hoc komisije da odluke odbora djeluju manje obavezujuće od odluka komisija;
- naziv predsjednik komisije umjesto predsjedavajućeg, kao i zajednički kolegij, političko, a ne tehničko pitanje;
- loša poruka da domovi usvoje različite poslovnike.

Zaključeno je da će Proširenom kolegiju Predstavničkog doma biti upućen sljedeći zaključak:

„Ad hoc komisija za pripremu izmjena i dopuna, kao i prečišćenog teksta Poslovnika Predstavničkog doma traži od Proširenog kolegija Predstavničkog doma da zauzme svoj stav u vezi sa:

1. *sistematikom Poslovnika Doma naroda Parlamentarne skupštine Bosne i Hercegovine;*
2. *preimenovanjem komisija Doma u odbore i preimenovanjem zajedničkih komisija u odbore Parlamentarne skupštine Bosne i Hercegovine;*
3. *preimenovanjem predsjedavajućeg komisije i predsjedavajućeg kluba u predsjednika komisije i predsjednika kluba;*
4. *preimenovanjem Zajedničkog kolegija u Kolegij Parlamentarne skupštine Bosne i Hercegovine, te na osnovu navedenog dâ smjernice za daljnji rad.*

13. sjednica održana je 27. 6. 2010. Na sjednici je utvrđen metod daljnjeg rada ove ad hoc komisije. Usvojeni su sljedeći zaključci:

1. Zapisnik zajedničkog sastanka kolegija Ad hoc komisije Predstavničkog doma i Doma naroda bit će dostavljen Kolegiju Predstavničkog doma u proširenom sastavu kako bi zauzeli stav o zaljučku navedenom u Zapisniku, a koji glasi:
„Ad hoc komisija za pripremu izmjena i dopuna, kao i prečišćenog teksta Poslovnika Predstavničkog doma traži od Proširenog kolegija Predstavničkog doma da zauzme svoj stav u vezi sa:
 - a) sistematikom Poslovnika Doma naroda Parlamentarne skupštine Bosne i Hercegovine,
 - b) preimenovanjem komisija Doma u odbore i preimenovanjem zajedničkih komisija u odbore Parlamentarne skupštine Bosne i Hercegovine,
 - c) preimenovanjem predsjedavajućeg komisije i predsjedavajućeg kluba u predsjednika komisije i predsjednika kluba,
 - d) preimenovanjem Zajedničkog kolegija u Kolegij Parlamentarne skupštine Bosne i Hercegovine;
2. Pripremiti konačni izvještaj o radu Ad hoc komisije Predstavničkog doma koji bi bio razmatran na sjednici Predstavničkog doma planiranoj za 1. 9. 2010. Potrebno je da se u konačnom izvještaju naglase pitanja koja se odnose na Poslovnik Predstavničkog doma, a koja se ne tiču Poslovnika Doma naroda;
3. Tekst Poslovnika Predstavničkog doma (verzija s 10. sjednice Ad hoc komisije, održane 5.12.2008.) dostaviti predsjedavajućim klubova poslanika u Predstavničkom domu, a svim poslanicima dostaviti Izvještaj o radu Ad hoc komisije sa usaglašenim Prijedlogom izmjena i dopuna Poslovnika Predstavničkog doma.

III. REKAPITULACIJA

Iz pregleda održanih sjednica i zaključaka vidljivo je koliko je Komisija nastojala da podstakne sve poslanike i komisije da se aktivno uključe u analiziranje postojećeg poslovnika i podnošenje amandmana, kako bi bio sačinjen što kvalitetniji Poslovnik Doma. Međutim, Komisija je dobila amandmane od veoma malog broja poslanika.

Amandmane su podnijeli: Milorad Živković – na deset članova; Niko Lozančić – na tri člana; Momčilo Novaković - na 14 članova, Halid Genjac - na tri člana i predložio uvođenje pet novih članova u dijelu koji se odnosi na izglasavanje nepovjerenja Vijeću ministara BiH i smjenu Vijeća ministara BiH; Remzija Kadrić - na pet članova; Jozo Križanović – na jedan član; Azra Hadžiahmetović – jedan amandman za formiranje nove komisije za međuparlamentarnu saradnju), Branka Todorović – na 24 člana, Ustavnopravna komisija – na jedan član; Komisija za saobraćaj i komunikacije – na jedan član, Komisija za finansije i budžet – da se iza čl. 58. doda novi čl. 58a, i jedan amandman za formiranje nove zajedničke komisije, Zajednička komisija za nadzor nad radom OSABiH – na jedan član, Zajednička komisija za evropske integracije – na jedan član, Ministarstvo za ljudska prava i izbjeglice – na jedan član te, tokom rada, Ad hoc komisija – na veći broj članova Poslovnika, u čijoj pripremi su učestvovali svi članovi Komisije.

Izvršene su izmjene i dopune u 48 i uvedeno je devet novih članova Poslovnika. Pri tome je izostavljen dio od 28. do 59. člana koji se odnosi na stalne komisije Doma i zajedničke komisije oba doma, radi usaglašavanja s Komisijom Doma naroda.

Intervencije u Poslovniku mogu se svrstati u više grupa:

Prva grupa odnosi se na tehničke ispravke, kao npr. u čl. 7., 9., 10. i 12.

Druga grupa su izmjene u Poslovniku kojim se otklanjaju dileme u primjeni – kao npr. u čl. 2., 14., 16., 19., 23., 30. i slično.

Treća grupa odnosi se na uređenje odnosa između Parlamentarne skupštine BiH, odnosno Doma i drugih organa (Vijeća ministara BiH, Predsjedništva BiH) – odredbe čl. 130., 142., 142b, 143., 144., 146., 147., 147a, 147b, 147c, 147d.

Četvrta grupa odnosi se na kompletiranje poslovnčkih odredbi o nekim značajnim aktivnostima u Domu, kao npr. razrađivanje odredbi o javnim saslušanjima – novi član 37a., odredbi o provođenju postupka autentičnog tumačenja – član 137. Poslovnika i slično.

Peta grupa su izmjene Poslovnika kojima se osigurava efikasniji rad Doma, a odnose se na procedure u Domu, rasprave, replike i slično – čl. 65., 66a, 69., 70., 98a, 107., 109., 114., 126. i 127.

Šesta grupa odnosi se na reguliranje procedura po prijedlozima zakona sa oznakom EI – novi član 126a.



PRIMLJENO: 25-08-2010			
Organizaciona jedinica	Klasifikaciona oznaka	Redni broj	Broj priloga
01-34-8	1000/10		

Na osnovu člana IV. 3. b Ustava Bosne i Hercegovine i člana 164. Poslovnika Predstavničkog doma („Službeni glasnik BiH“, br. 33/06, 41/06, 81/06, 91/06, 91/07 i 87/09), Predstavnički dom Parlamentarne skupštine Bosne i Hercegovine na _____ sjednici, održanoj ___2010. godine, donosi

**IZMJENE I DOPUNE POSLOVNIKA
PREDSTAVNIČKOG DOMA
PARLAMENTARNE SKUPŠTINE
BOSNE I HERCEGOVINE**

Član 1.

U Poslovniku Predstavničkog doma Parlamentarne skupštine Bosne i Hercegovine („Službeni glasnik BiH“, br. 33/06, 41/06, 81/06, 91/06, 91/07 i 87/09), u članu 2. u stavu (1) umjesto tačke stavlja se zarez i dodaje tekst: „a konstituiranje je završeno izborom predsjedavajućeg i dva zamjenika predsjedavajućeg.“

Član 2.

U članu 7. dodaje se novi stav (1) koji glasi:

„(1) Poslanik ima prava i dužnosti utvrđene Ustavom, zakonom, odlukom, Kodeksom i ovim poslovníkom.“

Dosadašnji st. (1), (2) i (3) postaju st. (2), (3) i (4).

Član 3.

Član 9. mijenja se i glasi:

Član 9.

(Obavješćavanje poslanika i dostavljanje materijala)

„Poslanik se, u skladu s Poslovníkom, pravovremeno obavješćava o aktivnostima Doma i dostavlja mu se odgovarajući materijal.“

Član 4.

U članu 10. u stavu (1) iza riječi „slobodu“ dodaje se riječ „djelovanja“.

U istom članu u stavu (2) iza riječi „ima“ dodaje se riječ „pravo“.

Član 5.

U članu 12. u stavu (1) riječ „Domu“ zamjenjuje se riječima: „Parlamentarnoj skupštini“.

Član 6.

U članu 13. u stavu (2) iza riječi „poslanika” dodaju se riječi: “jedinствени матични број грађана.”

Član 7.

U članu 14. iza stava (2) dodaje se stav (3) koji glasi:

(3) Ustavnopravna komisija može dati preporuku Domu za oduzimanje imuniteta ako to od nje zatraže Kolegij Doma, neko od stalnih tijela Doma ili najmanje jedan klub poslanika.“

Član 8.

U članu 16. iza stava (2) dodaje se novi stav (3) i glasi:

(3) Poslanici mogu osnivati i mješovite klubove. Prava i dužnosti mješovitih klubova ista su kao i svih ostalih klubova. “

Dosadašnji stav (3) postaje stav (4).

Član 9.

Član 18. mijenja se i glasi:

“Klubovi poslanika, radi stvaranja uslova za učešće u aktivnostima Doma, imaju pravo na službene prostorije, finansijska sredstva, administrativne, tehničke i druge uslove za rad.

O načinu i mogućnostima korištenja prava iz stava (1) odlučuje Zajednička komisija za administrativne poslove, uz prethodno pribavljeno mišljenje kolegija oba doma, o čemu jedanput godišnje izvještava Dom.

Klubovi poslanika dužni su svake kalendarske godine prije usvajanja projekcije budžeta Parlamentarne skupštine BiH iskazati i Zajedničkoj komisiji dostaviti godišnje potrebe kluba.

Član 10.

U članu 19. u stavu (4) brišu se riječi: “ili Doma”, stavlja zarez i dodaju riječi: “zamijenit će ga”, a iza riječi “poslanik” dodaju se riječi: “tog kluba”.

Član 11.

U članu 20. iza tačke h) dodaje se tačka i) i glasi:

i) Iniciranje i koordiniranje međuparlamentarne saradnje i donošenje odluka kada se saradnja odnosi na Dom.

Dosadašnja tačka i) postaje tačka j).

Član 12.

U članu 21. u stavu (1) iza riječi "predsjedavajući" dodaju se riječi: "na vlastitu inicijativu ili".

Član 13.

U članu 23. iza riječi "predsjedavajućeg ili" dodaju se riječi: "na obrazložen zahtjev".

Član 14.

U članu 25. u stavu (5) tačka a) dodaju se riječi: "iz nadležnosti oba doma".

Član 15.

U članu 30. dodaje se novi stav (3) koji glasi:

(3) Prvu sjednicu komisije saziva predsjedavajući Doma ili jedan od njegovih zamjenika.

Dosadašnji st. (3), (4) i (5) postaju st. (4), (5) i (6).

Član 16.

Iza člana 37. dodaje se novi član 37a. (Javno saslušanje) i glasi:

Član 37a. (Javno saslušanje)

- (1) Odluku o provođenju saslušanja donose Dom ili komisija.
- (2) Kada odluku o provođenju saslušanja donosi Dom, Kolegij Doma obavještava komisiju koja je određena za provođenje saslušanja. Odluka Doma sadrži:
 - predmet saslušanja,
 - lica koja je potrebno pozvati,
 - rok za provođenje saslušanja.
- (3) Kada odluku o provođenju saslušanja donosi komisija, predsjedavajući komisije upozna je kolegije domova. Odluka komisije o provođenju saslušanja sadrži elemente iz stava (2) ovog člana.
- (4) Komisija koja je određena za provođenje saslušanja ili koja je odlučila da provede saslušanje utvrđuje termin saslušanja i u pisanoj formi poziva lica iz člana 37. stav 1.b).
- (5) Saslušanje se, po pravilu, snima fonografski, odnosno o njemu se vodi zapisnik, a tehničke i druge ispravke mogu se vršiti samo u dogovoru, i uz saglasnost lica koja su predmet saslušanja.
- (6) Komisija sačinjava i domovima dostavlja izvještaj o saslušanju, koji sadrži suštinu izlaganja. Komisija može predložiti Domu na usvajanje i odgovarajuće zaključke.

- (7) Komisija će odlučiti da se dio saslušanja zatvori za javnost ako procijeni da su pitanja o kojima se provodi saslušanje osjetljiva za nacionalnu ili ličnu sigurnost.
- (8) Javno saslušanje nije dopušteno ako se radi o pitanjima o kojima se vodi sudski postupak.

Član 17.

U članu 41. tačka i) mijenja se i glasi:

- i) zajedno s odgovarajućim komisijama Doma naroda utvrđuje prečišćeni tekst zakona i drugih propisa kada se za to ukaže potreba. Potrebu za izradu prečišćenog teksta utvrđuje Zakonodavno-pravni sektor Parlamentarne skupštine, u skladu s Jedinstvenim pravilima za izradu pravnih propisa u institucijama Bosne i Hercegovine.

Član 18.

Član 61. mijenja se i glasi:

Član 61. (Kalendar)

- (1) Prošireni kolegij utvrđuje parlamentarni kalendar mjesečno.
- (2) Parlamentarni kalendar uključuje datume predviđene za plenarne, zajedničke sjednice, sjednice komisije, kao i sjednice međunarodnih organizacija kojima prisustvuju poslanici Doma.
- (3) U pravilu, Dom zasjeda svake druge srijede u mjesecu, uz izuzetak ako u te dane padaju državni, odnosno vjerski praznici. Ostalim danima zasjedat će komisije Doma i zajedničke komisije oba doma, klubovi poslanika, Kolegij Doma i sl.
- (4) Kalendar se dostavlja poslanicima, komisijama Doma, Predsjedništvu BiH i Vijeću ministara BiH, te se objavljuje na veb-stranici PSBiH.
- (5) Kalendar se može prilagođavati potrebama Predstavničkog doma.

Član 19.

Iza člana 62. dodaje se novi član 62a. (Sazivanje hitne sjednice) i glasi:

Član 62a. (Sazivanje hitne sjednice)

Izuzetno od odredbi člana 62., a na zahtjev najmanje deset poslanika ili na zahtjev većine članova Kolegija, predsjedavajući će sazvati sjednicu Doma u roku od deset dana od dana prijema obrazloženog zahtjeva. U tom slučaju dnevni red može biti predložen za vrijeme njenog održavanja, a materijal dostavljen do početka sjednice.

Član 20.

Iza člana 66. dodaje se novi član 66a. (Tok razmatranja utvrđenog dnevnog reda) i glasi:

Član 66a.

(Tok razmatranja utvrđenog dnevnog reda)

- (1) O usvojenim tačkama dnevnog reda raspravlja se i glasa sljedećim redoslijedom:
- a) rasprava i glasanje o zapisniku sjednice i o zahtjevima za proceduru;
 - b) rasprava i glasanje o prijedlozima zakona u drugom čitanju;
 - c) rasprava se i glasanje o prijedlozima zakona u prvom čitanju;
 - d) rasprava i glasanje o ostalim tačkama dnevnog reda.

Član 21.

U članu 90. iza stava (1) dodaje se stav (2) i glasi:

(2) Sjednice Doma direktno se prenose na veb-stranici Parlamentarne skupštine.

U postojećem stavu (2) koji postaje stav (3) iza riječi "formi" dodaju se riječi: "na veb-stranici Parlamentarne skupštine".

Dosadašnji st. (3) i (4) postaju st.(4) i (5).

Član 22.

U članu 92. u stavu (1) na kraju teksta briše se tačka, stavlja zarez i dodaje tekst: „uz poštovanje Kodeksa ponašanja poslanika, te poslovnčkih odredbi“ i stavlja tačka.

Član 23.

Iza člana 98. dodaje se novi član 98.a (Osnovni principi u zakonodavnom postupku) i glasi:

Član 98a.

(Osnovni principi u zakonodavnom postupku)

- (1) Ako se u parlamentarnoj proceduri nalazi jedan prijedlog zakona, u proceduru se ne može staviti nijedan drugi prijedlog zakona koji regulira istu ili sličnu materiju dok se na završi postupak po prijedlogu zakona koji je već u proceduri.
- (2) Ako se Parlamentarnoj skupštini dostavi više zakona za koje Kolegij utvrdi da reguliraju ista ili slična pitanja, u proceduru se prvo stavlja prijedlog zakona koji je prvi dostavljen, drugi se stavlja u proceduru prijedlog zakona Vijeća ministara BiH, a ostali se stavljaju u proceduru po redoslijedu pristizanja.
- (3) Sa zahtjevima za hitni i skraćeni postupak postupa se kao i s prijedlozima zakona i st. (1) i (2) ovog člana.

- (4) Ako prijedlog određenog zakona nije usvojen u Parlamentarnoj skupštini, taj isti prijedlog ne može se dostaviti u proceduru prije proteka roka od tri mjeseca.
- (5) U izuzetnim slučajevima Kolegij Doma može predložiti Domu ulazak u proceduru zakona i prije isteka roka iz stava (4) ovog člana.

Član 24.

Član 99. mijenja se i glasi:

Član 99. (Ovlašteni predlagač)

„Prijedlog zakona može podnijeti svaki poslanik, Dom naroda, Predsjedništvo BiH, Vijeće ministara BiH, komisije Doma i zajedničke komisije oba doma, u okviru svojih nadležnosti.“

Član 25.

U članu 100. u stavu (1) iza riječi „teksta“ brišu se riječi: „s članovima“, stavlja zarez i dodaje novi tekst: „u skladu s Jedinstvenim pravilima za izradu pravnih propisa u institucijama Bosne i Hercegovine“ i stavlja tačka.

U stavu (2) u tački e) iza riječi „zakona“ dodaju se riječi: „s pravnoobavezujućim normama“.

Član 26.

U članu 101. stav (2) mijenja se i glasi:

- (2) Kolegij u roku od sedam dana dostavlja prijedlog zakona Ustavnoj komisiji radi davanja mišljenja o usklađenosti sa Ustavom BiH i pravnim sistemom i nadležnoj komisiji radi davanja mišljenja o principima na kojima je zakon zasnovan. Istovremeno, Kolegij dostavlja prijedlog zakona poslanicima, Vijeću ministara BiH i Predsjedništvu BiH, kada oni nisu predlagači.

Dosadašnji st. (4), (5), (6) i (7) brišu se.

Član 27.

U članu 102. u stavu (1) na kraju teksta riječi: „Zajedničkom Kolegiju“ zamjenjuju se riječima: „Kolegiju Doma naroda“.

U stavu (2) riječi: „Zajednički Kolegij“ zamjenjuju se riječima: „Kolegij Doma naroda“.

Član 28.

U članu 103. riječ „od“ zamjenjuje se riječju „do“.

Član 29.

U članu 104. riječi: „od deset dana“ zamjenjuju se riječima: „od tri do deset dana“.

Član 30.

U članu 107. dodaje se novi stav (4) i glasi:

(4) Proces iz stava (3) može se ponavljati najviše dva puta, nakon čega se zakonodavni postupak obustavlja.

Član 31.

U članu 109. dodaje se novi stav (1) i glasi:

„(1) Poslanik, klub poslanika, nenadležna komisija, predlagač zakona i Vijeće ministara BiH mogu dostaviti amandmane u pisanoj formi u roku do deset dana od dana usvajanja Prijedloga zakona u prvom čitanju, a članovi nadležne komisije amandmane mogu ulagati do kraja razmatranja prijedloga zakona u Komisiji. Predlagači amandmana u toku rasprave na sjednici Komisije mogu modificirati svoje amandmane.“

Dosadašnji st. (1), (2) i (3) postaju st. (2), (3) i (4).

Član 32.

U članu 111. u stavu (1) riječi: „od 15“ zamjenjuju se riječima: „do 15“.

Član 33.

U članu 112. stav (3) mijenja se i glasi:

(3) Ako ne prihvati izvještaj, Dom od nadležne komisije traži da izradi novi izvještaj, zasnovan na raspravi na Domu, u roku koji Dom odredi.“

Član 34.

Član 114. mijenja se i glasi:

Član 114. (Javna rasprava)

- (1) Prije stupanja u postupak iz člana 104. odnosno člana 110. ovog poslovnika, komisija može da odluči da otvori javnu raspravu o predloženom zakonu koja bi uključivala zainteresirana tijela, stručne institucije i pojedince.
- (2) Javna rasprava bit će održana u roku od 15 dana. U tom slučaju rokovi utvrđeni u članu 104. teku nakon završetka javne rasprave, a rokovi utvrđeni članom 109. stav (1) i članom 111. st. (1) i (2) produžavaju se za 15 dana.
- (3) Komisija oglašava javnu raspravu u javnim glasilima.

Član 35.

Član 117. mijenja se i glasi:

Član 117.

(Postupak sa izvještajem nadležne komisije)

Kad primi izvještaj nadležne komisije, predsjedavajući Doma izvještaj dostavlja poslanicima radi rasprave na sjednici Doma o prijedlogu zakona u drugom čitanju.

Član 36.

U članu 126. stav (2) mijenja se i glasi:

(2) Zahtjev iz stava (1) ovog člana razmatra se na prvoj sjednici Doma, pod uslovom da je prijedlog zakona u Domu primljen najmanje tri dana prije početka sjednice i da nije u suprotnosti s principoma iz člana 98a. O zahtjevu Dom odlučuje nakon rasprave.

U istom članu u stavu (3) iza broja „105“ dodaje se broj „109“ i stavlja zarez, a ostali dio teksta ostaje nepromijenjen.

Član 37.

Iza člana 126. dodaje se novi član 126a. (Razmatranje prijedloga zakona sa oznakom EI) i glasi:

Član 126a.

(Razmatranje prijedloga zakona sa oznakom EI)

- (1) Kada Dom primi prijedlog zakona koji je Vijeće ministara BiH označilo da je povezan s integracijama u Evropsku uniju, Kolegij ga upućuje u proceduru po skraćenom postupku, u skladu s rokovima utvrđenim članom 126. Poslovnika.
- (2) Prijedlog zakona iz stava (1) ovog člana u gornjem desnom uglu naslovne strane ima oznaku P.Z.E.I, broj _____.
- (3) Svaki prijedlog zakona dobiva naredni redni broj na kraju oznake iz stava (2) ovog člana, a tu oznaku mora sadržavati svaki drugi pisani akt koji se odnosi na prijedlog određenog zakona (mišljenje, amandman, izvještaj, konačan prijedlog zakona i dr.), sve do konačnog donošenja zakona.

Član 38.

U članu 127. st. (2) i (3) mijenjaju se i glase:

(2) Zahtjev iz stava (1) ovog člana razmatra se na prvoj sjednici Doma, pod uslovom da je prijedlog zakona u Domu primljen prije početka sjednice i da nije u suprotnosti s principima iz člana 98a. Dom odlučuje o zahtjevu nakon rasprave, izuzimajući odredbe iz člana 66a. Poslovnika.

(3) Ako Dom usvoji zahtjev iz stava (2) ovog člana, nastavlja raspravu o prijedlogu zakona. Amandmani na zakon se ne podnose.

Član 39.

U članu 130. stav (2) mijenja se i glasi:

(2) Ako Dom posumnja u tačnost podataka u izvještaju, iskazanih brojevima, može zatražiti neophodno objašnjenje, dopune ili korekcije od Vijeća ministara BiH.

Član 40.

U članu 137. stav (2) mijenja se glasi:

(2) Zahtjev za autentičnim tumačenjem mogu Parlamentarnoj skupštini BiH podnijeti samo subjekti koji su zaduženi za primjenu zakona i drugih općih aktata.

U stavu (3) broj „20“ zamjenjuje se brojem „30“.

U stavu (4) dodaje se nova rečenica i glasi:

„ Nadležna komisija ne može odlučivati o zahtjevu prije nego što Ustavnopravna komisija odluči o jasnoći pravne norme, odnosno predloži da se postupak obustavi.“

Stav (5) mijenja se i glasi:

(5) Ustavnopravna komisija u svom izvještaju, koji sadrži i mišljenje Vijeća ministara BiH, predlaže Domu da obustavi postupak po zahtjevu za autentično tumačenje ako utvrdi da je norma jasna i da je nije potrebno tumačiti.

Član 41.

Član 142. mijenja se glasi:

Član 142.

(Odobranje imenovanja predsjedavajućeg Vijeća ministara BiH)

(1) Predsjedništvo BiH obavezno je za lice imenovano na poziciju predsjedavajućeg Vijeća ministara BiH, u roku utvrđenom Zakonom, Komisiji za pripremu izbora Vijeća ministara dostaviti:

- a) potpisanu izjavu, čiju formu i sadržaj propisuju Centralna izborna komisija BiH, u kojoj imenovano lice daje podatke iz člana 10d. stav (1) tačka a) alineje od 1) do 6) Zakona o Vijeću ministara;
 - b) službenu potvrdu Centralne izborne komisije BiH da navedeno lice ispunjava sve uslove iz člana 10c. Zakona o Vijeću ministara BiH.
- (2) Komisija za pripremu izbora Vijeća ministara BiH svoju preporuku dostavlja Kolegiju Predstavničkog doma, u skladu s rokovima utvrđenim Zakonom o Vijeću ministara BiH.
 - (3) Kad primi preporuku Komisije, Kolegij odmah saziva sjednicu Doma kako bi se postupak potvrđivanja imenovanja završio u skladu s rokovima utvrđenim Zakonom. Kad je u pitanju potvrđivanje imenovanja predsjedavajućeg Vijeća ministara BiH, nakon podnošenja ostavke ili smjene, provodi se procedura u Komisiji i Domu u skladu s rokovima utvrđenim Zakonom.
 - (4) Na sjednici Doma prvo predsjedavajući pročita odluku o imenovanju predsjedavajućeg Vijeća ministara BiH a zatim se imenovanom daje riječ da objasni svoj program o čemu će se povesti rasprava.
 - (5) Nakon rasprave glasa se o odobravanju imenovanja u skladu s odredbama Poslovnika.

Član 42.

Iza člana 142. dodaje se novi član 142a.

Član 142a.

(Odobranje imenovanja ostalih članova Vijeća ministara BiH)

- (1) Predsjedavajući Vijeća ministara BiH za lica imenovana na pozicije ministara i zamjenika ministara obavezan je, u roku utvrđenom Zakonom, Komisiji za pripremu izbora Vijeća ministara BiH dostaviti informacije iz člana 142. stava (1) tač. a) i b).
- (2) Komisija za pripremu izbora Vijeća ministara BiH svoju preporuku dostavlja Predstavničkom domu u skladu s rokovima utvrđenim Zakonom o Vijeću ministara BiH.
- (3) Kad primi preporuku Komisije, Kolegij odmah saziva sjednicu Doma kako bi se postupak imenovanja i potvrđivanja imenovanja članova Vijeća ministara BiH završio u rokovima utvrđenim Zakonom.
- (4) Na sjednici Doma predsjedavajući Vijeća ministara BiH prvo pročita odluku o imenovanju ministara i zamjenika ministara o čemu će se povesti rasprava.
- (5) Nakon rasprave glasa se o odobravanju imenovanja u skladu s odredbama Poslovnika.

Član 43.

Član 143. mijenja se i glasi:

Član 143.

(Iniciranje glasanja o nepovjerenju Vijeću ministara BiH)

- (1) Klub poslanika ili najmanje tri poslanika u Domu mogu inicirati prijedlog za glasanje o nepovjerenju Vijeću ministara BiH.

- (2) Predsjedništvo BiH može predložiti smjenu predsjedavajućeg Vijeća ministara BiH.
- (3) Prijedlog iz st. (1) i (2) ovog člana dostavlja se predsjedavajućem Doma u pisanoj formi i s obrazloženjem.
- (4) Predsjedavajući Doma odmah dostavlja ovaj prijedlog Vijeću ministara BiH, poslanicima i Domu naroda.

Član 44.

Član 144. mijenja se i glasi:

Član 144. (Uvrštavanje u dnevni red)

Prijedlog za glasanje o nepovjerenju Vijeću ministara BiH obavezno se uvrštava u dnevni red sjednice Doma ne prije od isteka 20 dana i ne kasnije od isteka 30 dana nakon njegovog dostavljanja Vijeću ministara BiH.

Član 45.

Član 145. mijenja se i glasi:

Član 145. (Izvještaj Vijeća ministara BiH)

Prije početka sjednice o izglasavanju nepovjerenja, Vijeće ministara BiH podnosi Domu izvještaj u pisanoj formi, sa svojim mišljenjem i stavovima. Izvještaj se dostavlja poslanicima najkasnije 48 sati prije održavanja sjednice.

Član 46.

Član 146. mijenja se i glasi:

Član 146. (Obrazlaganje prijedloga i odgovor Vijeća ministara BiH)

- (1) Svaki predlagač ima pravo na sjednici obrazložiti prijedlog za izglasavanje nepovjerenja Vijeću ministara BiH.
- (2) Vijeće ministara BiH, odnosno predsjedavajući Vijeća ministara BiH ima pravo odgovoriti i iznijeti svoj stav, nakon čega se otvara opća rasprava.

Član 47.

Član 147. mijenja se i glasi:

Član 147. (Glasanje)

- (1) Nakon završetka rasprave, prijedlog o nepovjerenju stavlja se na glasanje.
- (2) Ako prijedlog ne bude usvojen, može se glasati i o drugim inicijativama u vezi s prijedlogom.
- (3) Predsjedavajući obavještava Dom naroda, Vijeće ministara BiH i Predsjedništvo BiH o rezultatima glasanja o nepovjerenju i drugim inicijativama u vezi s tim, ako su postojale.

Član 48.

Iza člana 147. dodaje se novi odjeljak D (Smjena ministra ili zamjenika ministra) koji glasi:

„Odjeljak D. Smjena ministra ili zamjenika ministra

Član 147a.

(Pokretanje postupka smjene ministra ili zamjenika ministra)

- (1) Predsjedavajući Vijeća ministara BiH može pokrenuti postupak za smjenu ministra i zamjenika ministra.
- (2) Prijedlog iz stava (1) ovog člana dostavlja se predsjedavajućem Doma u pisanoj formi s obrazloženjem.
- (3) Predsjedavajući Doma odmah dostavlja prijedlog poslanicima i Domu naroda.

Član 147b.

(Uvrštavanje u dnevni red)

Prijedlog za smjenu ministra ili zamjenika ministra obavezno se uvrštava u dnevni red sjednice Doma najkasnije 15 dana od dana kada ga predsjedavajući Doma primi od predsjedavajućeg Vijeća ministara BiH.

Član 147c.

(Obrazlaganje prijedloga i rasprava)

Predsjedavajući Vijeća ministara BiH ima pravo na sjednici Doma obrazložiti svoju inicijativu nakon čega se otvara rasprava. Ministar ili zamjenik ministra čija je smjena predložena ima pravo da se obrati Domu.

Član 147d.

(Glasanje o potvrđi smjene ministra ili zamjenika ministra)

- (1) Nakon završetka rasprave, glasa se o potvrđivanju smjene ministra ili zamjenika ministra.
- (2) Ako prijedlog ne bude potvrđen, može se glasati i o drugim inicijativama u vezi s tim, ako su postojale.

(3) Predsjedavajući Doma obavještava Dom naroda, Vijeće ministara BiH i Predsjedništvo BiH o rezultatima glasanja i o drugim inicijativama u vezi s tim, ako su postojale.“

Član 49.

U članu 160. u stavu (1) broj „30“ zamjenjuje se brojem „20“.

Član 50.

U članu 161. u stavu (1) na kraju briše se tačka, stavlja zarez i dodaje tekst: „odnosno prijedlog zaključka“ i stavlja tačka.

U stavu (2) iza riječi „rezolucija“ stavlja se zarez i dodaje tekst „odnosno prijedlog zaključka“ i stavlja zarez.

Član 51.

U članu 164. na kraju briše se tačka, stavlja zarez i dodaje tekst: „poštujući zakonodavne procedure utvrđene Poslovníkom“ i stavlja tačka.

Član 52.

U članu 173. u stavu (4) iza riječi „utvrđuje“ dodaju se riječi: „način izbora predsjedavajućeg i zamjenika predsjedavajućeg“ i stavlja zarez.

Član 53.

Ove izmjene i dopune Poslovníka Predstavničkog doma Parlamentarne skupštine Bosne i Hercegovine stupaju na snagu narednog dana od dana objavljivanja u „Službenom glasniku BiH“.

Predsjedavajući
Predstavničkog doma
Niko Lozančić

Broj:

Datum: